


أحمد يونس

لـ

أعتاب مذكر وفهـ



أعتاب مكره

تحياتي ..

وأهلا بكم في العدد الخامس من الخبايا.

أصدقاء نادي الخبايا :

كل تحياتي وحبي الكبير لكم جميعا

ها هو مشروع خبايا يكبر يوماً بعد يوم

أتمنى من الله أن تكونوا دوماً في خير حال .

تنعمون دوماً بالسعادة وراحة البال .

طب أنا جديد ممكן تفهمني إيه خبايا ؟

أقولك يا سيدى :

خبايا هو مزيج من خبایاکم وأسرارکم المخیفة وخبایا وأسرار المشاهیر وكوابیسي أنا الخاصة التي لم أرها أبداً من قبل !

وعلى صفحة «خبايا مع أحمد يونس»

تقدر تبعث الخبایا الخاصة بيك وتهنّزل في الأعداد الجایة باسمك أو حروف من اسمك حسب رغبتك ..

خبايا هو مشروع كبير بدأ الأول بالمشروع الديجیتال الموجود على قناتي الرسمية على يوتیوب قناة ahmadyouness وهو برنامج رعب مرئي لأول مرة أظهر فيه وأقص عليكم بالصوت والصورة وليس كما تعودنا منذ أن أطلقت فكرة قصر الرعب لأول مرة في عالم الرعب، وهو الرعب المسموع والتي سار على نهجها الكثير والكثير من بعدي، ثم أطلقنا الكتب الشهيرية والتي لاقت الحمد لله تجاوباً واستحساناً

كبيراً من حضراتكم.

وللتوسيح خبايا المقروء وخبايا المرئي مختلفان تماماً عن بعضهما،
بمعنى أن النسخة المرئية شيء والنسخة المقروءة هي شيء آخر.

وانتظروا، مازال في جعبتي الكثير والكثير لمشروع خبايا.

هذا العدد يصدر في فترة معرض الكتاب بالتزامن مع صدور الكتاب السادس لنادر فودة الشخصية التي يعشقها الجميع صغاراً وكباراً..

خباياكم

- صديقة لنادي الخبايا بتحكي لنا :

أنا عندي ٢٠ سنة وأخويا الصغير عنده ٦ سنين في يوم بليل وأنا
نائمة صحيت على صوت صراخ أخيها، هو بينما كده معها في
الأوضة وبيقول لي:

الحقيني هيموتني هيموتني!

فتحت عينياً وأنا مش شايفة قدامي وقلت له: في إيه في إيه ؟
قال لي وهو بيترعش: أنا صحيت عشان أدخل الحمام وشوافت جوا
في الحمام واحد واقف بظهره وأول ما دخلت اتلفت لي وبص لي
بعينيه وشكله يخوف أooooوي.

بعدها أنا جريت برا الحمام وجيت على الأوضة علطول عشان
أصحيكى بيص لاقيت حد نائم على السرير بتاعي ومتغطى باللحاف
ومش باين منه غير دماغه وسحب الغطا من على وشه لاقيت ولد
شبيه بالظبط .

قام من على السرير ونزل جاي ليه ففضلت أصرخ لحد ما صحيتني!
كلامه قلقني، أنا مش من النوع اللي بيختلف بس أخيها طفل ومن

النوع اللي مابيقدرش ولا حتى يعرف يعمل مقاالت .

قمت من مكانى وأنا مش شايفة كويس في الضلعة وأنامش لابسة
النظارة بتاعتي فقمت أدور على مفتاح النور عشان اشوف اللي أخويا
بيقول عليه، لما وصلت لمفتاح النور جيت بضغط لاقيت المفتاح
المفروض إنه كده منور شغال!

فمعنى كده إن اللمة اتحرقت، روحت ناحية الباب بتاع الأوضة عشان أفتحه ينور وكان في إضاءة خفيفة جاية من تحت الباب ساعدتنى أحدد أنا رايحة فين شوفت شوية تفاصيل بسيطة كده في الأوضة، لما وصلت عند الباب ومديت إيدى عشان أفتحه مكنش راضي يفتح الشعور اللي هو الباب مفقول علينا من برا، أمال أخويا دخل وخرج إزاي، سأله انت قفلت الباب ولا دخلت ولا طلعت إزاي ها، يا بنى.. يا بنى.. أخويا اختفى....

بعدها سمعت صوته بيعيط وب يقول: واقف وراكي !!!!!

فضلت أرزع عالباب وأصرخ وأنادي على أبويا وعلى أمي، بيتهالي يومها لو كانوا ميتين كانوا صحيوا لكن مفيش حد رد عليا ولا حد عبرني خايفه أتلفت لاقيت خيال عريض في وشي فضلت أقول يا أرب يا أرب يا أرب يا أرب.

وقلت آية الكرسي و كنت مستمرة في القراءة وأنا مغمضة عينيا عشان
مش عاوزه أشوف حاجة، حسيت بحاجة باید بتلمسني و حرارة شديدة
قدامي !

وكملت قرآن وقررت أكتر وأكتر لحد ما الحرارة اللي كنت حاسة بيها
راحـت، ففتحت عينيـا بيـطـء مـكـنـش فيـ حاجـة وـ سـمعـت صـوت خـبـط بـابـا
بيـقـول ليـ اـفـتحـي الـبـابـ، فـتـحـت الـبـابـ وـانـفـجـرـت آـنـا وـآـخـوـيـا فيـ الصـراـخـ
وـعـدـت الـلـيـلـةـ وـأـنـتـهـت بـدـونـ تـفـسـيرـ !

一〇六

بلدي طنطا

- الخبية الجاية نروح لها طنطا؟ ..

في إحدى قرى الغربية حصل حادث فضل أهل القرية هناك يتكلموا عنه لفترة طويلة، الحكاية بيحكيها رجل كبير عنده ٥٢ سنة بيشتغل حارس في أحد المقابر في القرية بيقول: من حوالي ٥٠ سنة كان في شابة صغيرة متوجزة واتطلقت من جوزها بسبب خلافات خصوصاً لما عرف إنها مريضة بمرض ممکن تموت بسببه في أي لحظة.

الشابة دي كانت حامل ولما انفصلت عن جوزها وحست خلاص إن نهايتها قربت مارضيتش تقول له إنها حامل .

ماتت .. ماتت وهي في الشهر السابع، وجه وقت الدفنة واتدفنت وسط بكاء وعويل الأهل ودعوات المشيعين وقفوا عليها القبر، بعدها بكم يوم بدأ التربى وأهله بما إن هما عايشين تقريباً بيتهم جوا المقابر بيقولوا سمعنا صوت غريب جاي من التربة دي، صوت مانقدرش نحدد هو إيه لكنه كان بيتركر كل يوم بليل ..

الصوت كان صوت عيل صغير أو طفل بيعيط يمكن ما يخوافش لكن لو هو في المقابر لا هيخوف، فتحنا التربة ملقيناش أي حاجة وببدأت الإشاعات تطلع على القبر ده وانتشر الخبر في القرية كلها وقرر أهل المرحومة يفتحوا القبر ويدخلوه بنفسهم .

تعالوا نعرف القصة لأن القصة فعلاً غريبة، لما فتحوا القبر في أقوال قالت إن الكلام ده كان بعد أيام وفي أقوال طبعاً للإشاعات والأساطير يعني بتسمع فيها العجب، في ناس قالوا إن القبر ده اتفتح بعد يومين ثلاثة وفي ناس قالوا بعد أسبوع وفي ناس قالوا قبل الأربعين.

الأهم من كده إيه بقا ؟

إن هم فتحوا القبر لقوا جنة البت والكفن متقطع كان حد دخل قطعه

من عند رجلين الميّة! ومفيش أثر لأي شيء تاني.

قفلوا عليها التربة وخرجوا مذعورين وفضل الصوت يتكرر لحد ما مر على دفن الشابة دي ٤٠ يوم !! وفضل الموضوع بدون أي تفسير !

مشرحة الظلام

- اكتفيتوا ولا عاوزين كمان؟! من الترب للمشرحة .. :

صاحب الخبرة بيحكى وبيقول: الحكاية حصلت معايا من ٥ سنين كنت رايح الشغل الساعة ١٠ وشوفت في طريقي راجل في التلاتينات قاعد على جنب الطريق وبيمد إيده اللي رايح واللي جاي يطلب منهم يدوا له أي حاجة، عديت من جنب الرجل فلاقيته بینادي عليا باسمي ! عشان أدي له أي حاجة لفيت ناحيته وحطيت إيدي في جيبي لاقيت ٢ جنيه فكهة فقررت أديهم له، وأنا بدיהם له شوفت حاجة فزععني، دماغ الرجل كان عليها دم متجلط ووشة مليان كدمات .

الموضوع خضني خضة كبيرة جداً لدرجة إن أنا عينياً زغلت ودوخت فوقت على صوت الرجل.

بيص لاقيت الرجل وشه عادي جداً
وقفت متنح قدامه سبببت الفلوس على الأرض ولقيت ومشيت لأنني
خوقت منه.

عدى الموقف وعدىاليوم ونسيت، لكن تاني يوم وأنا راجع من
الشغل بليل حصل الأغرب.

في طريق رجوعي بعدى على مستشفى مشهورة جداً ويمكن من أشهر
المستشفيات اللي تسمعوا عنها في مصر، جنبها مشرحة وأحياناً
بتتصادف إن أنا بقابلهم وهما بي Shirley الجثث بليل على نقالات
وبينقلوها من وإلى المشرحة، في اليوم ده وأنا راجع اتنين من العاملين

اللي في المشرحة وقفوني وقالوا لي معلش ساعدنا يا أستاذ عشان
جنة القتيل عشان يشيلوها من جوا العربية عشان يحطوها على السرير
عشان هيدخل المشرحة، ده لسه لياته طويلة، ده هيقعد هنا قاعده
طويلة، ده الموضوع جريمة قتل، مش عاوز أسمع تفاصيل، شغلانة
بكرهها، مسكت معاهم بياديها الجنة ورفعنا الجثمان عشان نحطه على
النقالة، لكنني سمعت صرخة وبسببها الجنة وقعت، أيوه واللي بتتفكروا
فيه فعلاً هو اللي حصل..

هل أنا شوفت المستقبل يعني ولا إيه، وهل هو كان واقف في الشارع
بيشحت أصلاً ولا هو مكنش موجود!
معنديش إجابة!

* * * * *

بلدياتنا من بورسعيد

وإلى خبيه من بورسعيد:

عامل من عمال بناء العمارات بيقول هو والعمال اللي معاه كانوا
شغالين على بناء عمارة من ١٢ دور.

الدنيا كانت ليل والجو كان حر جدا وكانت مهمته في الوقت ده إنه يرفع الحامل يتاع الجس بالمكنة المخصصة له، اكيد بنشوف الكلام ده

يعني بنعدي عليه في الشوارع بنشوفه.

المهم بيكمel وببيقول كان شغال بيصبوa الأسمنت في الحامل أو
النقالة دي أو مش عارف اسمها إيه وحرك المكنة وطلع الأسمنت فوق
لحد الدور العاشر وفضل مستني حد من العمال يأخذ الأسمنت ويفضي
البتاع اللي بيقى محمل فيها عشان يكرروا العملية.

لكن سمعت العمال بتصرخ حاجة كده زي ما يكون صراخ جماعي من
العمال كلهم فوق صرخة وبعدها سكتوا..

سيبب الحاجة اللي في إيدي وطلعت أجري أنا وواحد تاني معايا
عشان نشوف في إيه، واحنا طالعين على السالم لاقينا العمال نازلين
بسربعة وبخوف وبيخبطوا فيما وهم نازلين في ذعر.

في إيه في إيه ماحدش بيرد !

مسكت واحد فيهم بقوة وقلت له انتوا بتجروا من إيه؟

قال لي : عفريت عفريت يا خال عفاريت في فوق عفاريت!

إيه الهبل والعبط ده؟

طلعت وكان معايا واحد دخلنا الدور العاشر الدور مساحته كبيرة
و فيه كذا شقة وكل شقة مفتوحة ومفيهاش باب.

والوضع اه يخوف عشان مبقاش كداب بس مش لدرجة إن يشوفوا
عفاريت يا خال زي ما قال لي.

واحنا واقفين سمعنا صوت حاجة بتقع جوا شقة من الشقق في الدور
55.

لاقيت الشخص اللي كان طالع معايا بيكول لي ما تيجي ننزل أحسن ؟

أنا مش مطمئن

قلت له: واحنا من امتى بنخاف وانت هتصدق كلام شوية العيال دول

ولا إيه ؟

شديته ودخلت أنا الأول الشقة اللي جاي منها الصوت ..
الشقق بالمناسبة كانت زي ما شرحت لكم لسه شقق تحت الإنشاء
فمفيش أبواب ولا حاجة .

شقة كبيرة وواسعة والدنيا ضلمه فيما عدا ضوء القمر اللي منور
وداخل من الشبابيك، مشينا في الشقة ومالقناش حاجة.

لاقيت العامل اللي معايا بيصرخ وبيزعق :

أنا عندي ولاد عاوز أرببيها..

أنا عندي ولاد عاوز أرببيها ..

يلا ننزل من هنا أبوس إيديك أبوس رجلك يala ننزل لو مانزلتش معايا
أنا هنزل لوحدي.

بصيت له وقلت له : في إيه انت بتزعق كده ليه خضيتنى

قال لي : في حاجة بتحرك والله العظيم شوفت حاجة بتحرك
الناحية دي وشاور بایدھ وسابني ونزل يجري على السلم !

أنا ما قتنعتش بالكلام ده وكملت تدوير في الشقة وفي الدور كله .

أنا ما شوفتش حاجة بصراحة ولا شوفت جسم بشري ولا غير بشري ولا
حاجة ولا طيف ولا خيال ولا ظل. بس الصراحة طول ما أنا ماشي أنا
اللي عمال أتخيل حاجات غريبة بتحرك وحاجات بتجري على الأرض
وتحاجات بتحرك وحاجات ورايا وحاجات هنا وحاجات هناك .

بس أنا مش شايف كل ده، زي ما بيقولوا الواحد من الخوف الخيال
بيسرح به. خلصت سمعت خبطة جامدة وزعيف من تحت نزلت أجري !
نزلت لاقيت العمال بيكونوا وعاملين دائرة وفي وسط الدائرة الراجل

اللي كان معايا واقع على الأرض ميت!

صرخت فيهم إيه اللي حصل له ؟

قالوا لي احنا نزلنا نجري وانت قابلتنا انت وهو وهو نزل وأول ما نزل
فضل واقف واقف واقف ونكلمه مايردش وقام بص لفوق وضحك
بصوت عالي.

ولاقينا حاجة من الثقال اللي موجودة واقعة فوق نافوخه.

لكنه قسما بالله فضل قبلها يبص لفوق كان هو اللي مستنيها تنزل.

كانت صدمة كبيرة الشغل اتوقف طبعا بأمر من النيابة العامة لحد ما
التحقيق يخلص ودخلت كلنا أنا والعمال والراجل اللي كان مشغلنا في
دائرة ملهاش نهاية من تحقيقات واتهامات وإهمال.

شهر غم ويمكن أكتر، واتفقل التحقيق إن اللي مات مات نتيجة إصابة
عمل وماحدش كان له دخل في قته.

بعد فترة مش طويلة عرفنا من الناس اللي في المنطقة هناك حوالين
العمارة إنها من زمان كل فترة بيسمعوا أصوات ناس بتصرخ من مصدر
غير معلوم !

تذكر أنك حملت روایة اعتاب مکروھہ حصريا ومجانا من على موقع
مكتبة بیت الحصريات أكبر مكتبة للكتب والروايات الحصرية والمميزة
والجديدة والنادرة ولتحميل المزيد ادخل على جوجل واكتب في خانة
البحث مكتبة بیت الحصريات هنظهرلك .

وقبل ما نبدأ في بناء البرج السكني ده كان مكانه عمارة من 5 أدوار
قديمة وماحدش كان ساكن فيها وحاول ناس كتير يشتروا العمارة
ويأخذوها بس مكنش ليها صاحب أو وريث تقدروا تقولوا إنها كانت
عمارة مقطوعة من شجرة لا ليها صاحب ولا ليها تاريخ ولا ليها أي
أصل عشان كده قرر واحد من اللي إيديهم تقيلة ياخد العمارة بوضع

اليد ويهدأها ويبنيها برج سكني ضخم.
بس اللي حصل حصل والمشروع وكل حاجة اتوقفت .
بعدها بمدة قابلت واحد من العمال وسألته هو انتوا كنتم شوفتوا ايه
في اليوم المشئوم ؟
كل ما آجي أسائلكم على الموضوع ده أنسى.

قال لي : شوفنا ناس طالعة من الاوض مع بعضها في نفس ذات
اللحظة، ناس كتير، عارف لما تبقى يعني شقة وبتبني والدنيا ضلعة
وفجأة تلاقي طالع من الاوض كلها بشر كتير
وانتهت قصة العمارة الملعونة من وقتها .

خبيا عالمية

- من مصر لبريطانيا ٢٠٠٣ وخبية من الخارج
جه اتصال لرجال الشرطة من شخص بيستغيث وبيطلب المساعدة
عشان في كيان أسود بيها جمه وكل شوية يظهر ويختفي، رجال
الشرطة راحوا المكان اللي جاي منه البلاغ كانت عباره عن فيلا من
دورين وب مجرد وصولهم لاقوا جنة لرجل في الأربعينات من عمره كان
مرمي برا في الجنينة!

تحقيقات كتير وبحث ومراجعة كاميرات الفيلا ومفيش أي حاجة
مفيدة خرجوا فيها !

قرروا يرجعوا لتاريخ شراء الفيلا دي وأصلها فاكتشفوا إن الفيلا دي
مات فيها عيلة كاملة بالتسنم سنة ١٩٩٨ و اتفقلت الفيلا لفترة وسمسار
شاطر قدر يزور ورق إن الفيلا بتاعته وبشوية علاقات غير سوية قدر
يسيعها للراجل اللي مات جرى بحث طويل عن الراجل ده بلا أي فايدة.

بس السبب ده مكنش كافي لرجال الشرطة فقرروا يقفلوا القضية
ويتم تسجيلها ضد مجهول .

ومرت فترة طويلة حوالي سنة تقرينا وبعدها قررت الحكومة هدم
الفيلا تماماً وان تحول إلى برج سكني.

لقوا حاجة غريبة وهما بينقلوا العفش وال الحاجة القديمة بتاعة
المقتول اللي كان قاعد، الحاجات القديمة لقوا في وسطها شرايط
كاسيت مكتوب عليه يومياتي، تم تفريغ الشريط وحلوا تفاصيلها.

وكانت بتتمثل إن الشخص اللي مات كان بيسجل كل يوم ٥ دقائق
بصوته وبمحكي إنه بيشف حاجات بتتحرك حواليه حاجات وبتحاول
توصل له رسالة معينة.

الغريب في التسجيلات إن الشخص ده بيقول حصل له ألفة بينه وبين
الناس أو الخيالات اللي بيشفوها حواليه!

وفي تسجيل من التسجيلات قال أنا حالياً أستمتع بوجود الجن من
حولي، إنهم يخبرونني أن نهايتي قد اقتربت وسيأتي لص لسرقة
المكان يدعى ستيف جارسي وسيقتلني.

افتتح التحقيق من جديد وتم البحث والقبض على المدعي ستيف
جارسي وبمواجهته اعترف بجريمه بالكامل!

* * * *

الثقة المميتة

طب تعالوا نروح لخيبة حقيقة أخرى بس ملهاش علاقة لا بجن ولا
بعفاريت، خلينا نقول إن هي ألم نفسي وجسمي

سنة ١٩٩٦ طبيب نفسي اسمه Charles key كان بيدرس حالة اسمها
الثقة المميتة ودى بتكون موجودة داخل المرضات اللي بيتفقا في
الأطباء ثقة مرضية غير قابلة للنقاش وبتعتبر الطبيب إله منزه من

الخطا .

و عمل تجربة خفية وكارثية بكل المقاييس، طب عمل إيه الدكتور الجنون ده ؟

جاب ٢٢ مريضه من أتباعه واداهم أدوية ومعروف إنها لو زادت جرعتها في جسم أي مريض بيموت علطول ..

وقال لهم : كل مريض عندكم ادوله جرعة زيادة عشان أنا أدرى منكم وعارف إن أجسامهم بتحتاجه، وبالرغم إن هما كانوا عارفين أضرار الجرعة وعارفين اللي هيحصل لكنهم نفذوا وزودوا جرعة الدوا مما تسبب في وفاة حالات كثيرة آنذاك !

الأغرب بقا إن من الـ ٢٢ مريضه في ٢١ مريضه نفذوا القرار بتاع الطبيب بسبب موضوع الثقة الفميه فيهم وفي مرضه واحدة بس هي اللي رفضت تعمل ده وبلغت في الطبيب.

تم تحويل الدكتور للمحاكمة هو والممرضات اللي نفذوا الكلام وخدت الممرضات أحكام سجن طويلة .

طب انتوا عارفين الدكتور خد حكم إيه؟!

الدكتور خد براءة لانه قدر يقنع المحكمة بشكل ما إن كل دي كانت من ضمن أبحاثه مش أكثر وانه لم يطلب من الممرضات أن تكون الجرعة بهذه النسب .

الدكتور ده بعد فترة دخل مستشفى الأمراض العقلية وعاش فيها باقي عمره بين حيطانها وكل يوم بيصرخ بشدة وبعنف وبيقول إن هما بيحجوا له يومياً يعذبوه .

٢١ شيخاً يأتون يومياً لتعذيبه!

كل الناس وقتها قالت إذا كانت عدالة الأرض أخفقت فعدالة السماء انتصرت!

خبايا المشاهير

اجتنبوا الممر

- ودي قصة قولتها زمان وكل لبيب بالإشارة يفهم :

شخصية شهيرة فنان وفاته كانت صدمة كبيرة في المجال الفني بسبب سنه الصغير، بيتقال إنه كان في مرأة من المرات قاعد في شقة لوحده ومش معاه حد، وكان قاعد في المكتب بتاعه بيحضر لشغله الجديد عشان كان في تاني يوم حدث هيستخدم فيه شغله ده في إسكندرية تحديداً، النور اتقطع كان قايم عشان يجيب كشاف أو حاجة ينور بها حس بهوا غريب (هو اللي بيحكى على فكرة).

بيقول الشبابيك كلها كانت مقفولة بس لو هلة بدأت أحس إن الهوا مش هو جاي من برا ده حاجة أشبه ما يكون بحد بينفخ هو في وشي، وبدأت أسمع صوت حد بيكلمني صوت كان بعيد وأشبه بصدى الصوت فامفهومتش !

مر الوقت والنور رجع والفنان كان في حاله من الخو والرعب، لكن الموقف اتكرر تاني بس المرة الثانية الصوت لما ظهر هو اتشجع وقال له :

انت مين ؟

فكان الإجابة :

أنا من معشر الجن ومش جاي أسبيلك أي أذى، أنا موجود معاك من زمان ماتقلقش أنا صديق !

أطلق عليه الفنان وقتها اسم زائر الليل.

وبدا يتكلم معاه لحد في مرأة من المرات الزائر الغامض ده جاله وقال

أنا شايف وشك على إزاaz متكسر
الفنان قال له يعني ايه مفيس على وشي أي حاجة ؟
ملقاش رد ..

ومرت أيام وأسابيع وإذا بالفنان يموت في حادث سيارة مؤسفة وقيل
إنها مدبرة،
طيب مين اللي حكى الكلام ده ؟
هل هو حكاہ لحد ؟

أسرته بعد وفاته اللي اتقال إنها كانت بتقلب في المذكرات بتاعته
فقراؤا كل ده كان في جزء كامل من مذكراته بعنوان «الزائر الغامض».
أنا عارف إن في كتير منكم عاوزين يعرفوا هو مين وفي كتير ممكن
يكونوا عرفوا هو مين، طب مين هو..؟

ونعود لخباياكم من جديد

جارة السوء

- صديق م.م ٤٨ سنة بيحكي ويبيقول ..

من ٤٠ سنة كنت طفل عايش مع والدتي وإخواتي الكبار بعد موت بابا
كنا عايشين في أوضه كبيرة في منطقة ما في القاهرة .

كانت والدتي في أول الأربعينيات في الوقت ده، كنت أنا وإخواتي
بنسيبها طول اليوم عشان بنروح الشغل وهي تفضل قاعدة لوحدها،
آه كنت بشتغل وأنا طفل، أيوه عشان أصرف على نفسي وكمان
إخواتي، المهم إن الشخص الوحيد اللي كان بيونس وحدة أمي هي

جارتنا، هي سنت كبيرة في السبعينيات من عمرها كانت عايشة في البيت لوحدها بعد ما بنتها الوحيدة اتجوزت، فكانت بتنزل من أوضتها تقدر مع ماما في الأوضة يونسوا بعض ويتكلموا وساعات يتطبخوا مع بعض كعادة الستات يعني.

الحكاية بدأت في يوم من الأيام الست دي وصل ليها خبر إن بنتها الوحيدة ماتت وإن الدفنة انهارده، الست أول ما سمعت الخبر اتفزعت وصرخت وجرت على بيتها كان في الصعيد لكنها للأسف مالحقتش الجنازة و الدفنة، فضلت تصرخ إزاي ماتستنوهاش، ولكن الرد جالها إن إكرام الميت دفنه، فقررت إنها تمشي وطلبت منهم قبل ما تمشي يدوها حاجة من ريحه بنتها فترك لها الاختيار.

اختارت البطانية اللي بنتها اتلفت فيها بعد ما ماتت، أنا عاوزه البطانية اللي بنتي اتلفت فيها بعد ما اتكفت، ده بيحصل الحقيقة فعلًا.

بعد ما بيتلف الميت أحيانا بالكفن بيتلف ببطانية تغطيه وتستره قبل ما يت Shall في الخشبة ويروحوا به للقبر وينزلوا الميت في القبر بعد ما بيبقى نازل بيشيلوا البطانية من عليه وهو بداخل القبر وبيخرجوها برا القبر.

هي دي البطانية اللي فعلًا خدتها جارتنا، ورجعت لبيت القاهرة تاني وفضلت تعيط بدون توقف بعد الحادث، كنت دايماً بشوفها لما تيجي عندنا يا حاطة البطانية على كتفها يا حطها على رجلها، وأصبحت البطانية جزء من شخصيتها حتى في الصيف!

وسمعتها بتقول عمري ما هغسلها ريحه بنتي فيها لحد دلو قتي، ده أنا بسمع صوت بنتي بتهمس جوا البطانية، أنا بحس بروحها حواليا طول ما أنا فاردة البطانية عليا واليوم اللي مابتعطاش بيها البطانية بتتحرك وهي اللي تغطيوني!

أكثر من مرة أبقي نايمه والبطانية تتكتشف أو أنا اكشفها والبطانية

تتحرك من عليا وأصحى من النوم الاقيني متغطية تاني. الست اتجننت تقريبا.

استمر الحال بنفس الشكل وفضلت الست تنزل الأوضة عندنا كل يوم تقعد مع ماما كالعادة لكن كعادة الكبار كانت ساعات عينها تنام وعينها تغفل كده وتروح عليها نومة وهي قاعدة على الكرسي في نفس الأوضة مع ماما.

ماما مكنتهش بترضى تصحيفها عشان تطلع أوضتها فا بتسييها تنام معانا في الأوضة عادي ، لكن ماما قالت لي يابني اليوم اللي الست دي بتبتات فيه هنا في الأوضة أنا بشوف حاجات غريبة، غريبة أوي ، بشوف حاجات عاملة زي ما يكون خيالات بتحرك، وفي مره لمحت حد بيجري في الطرقة اللي ما بين الأوضة والحمام، وفي مره كنت داخله الحمام لاقيت في بنت واقفة قدام المراية، اتخرست.

ماعرفتش حتى أنادي على حد ما انتم بتبقوا معظم الوقت مش موجودين، في الأول قلت لنفسي الكلام ده مش حقيقي وإنني يابني مش واحده بالي أو بيتهيالي وكبرت وخرفت لحد ما في ليلة كانت بايطة صحيت مفروزة على صوت صرخة فتحت عينيا شوفت جسم اسود ملوش اي ملامح وهي نايمه والجسم ده واقف قدامها، فضلت ابص عليهم زي ما هو ، هي قاعدة على الكرسي ونايمه والجسم ده زي ما يكون حارسها، فضلت اترعش اترعش قلت حتى أقرأ قرآن صوتي ماخرجش لسانني نفسه اتشل واتعقد.

لكني بدأت أحاول أقول يارب لحد ما قلتها بصوت عالي، أول ما قلتها بصوت عالي حسيت إن أنا جسمي كله فك والشلل اللي كان عندي ده راح لكن واضح إن الخيال ولا العفريت ولا الشبح اللي كان واقف اتضائق لما أنا قلت يارب لأنه بمنتهى السرعة هجم عليا وأنا أغمى عليا بعدها.

والله يابني ده اللي حصل، صحيت تاني يوم الصبح لاقيت جارتنا دي

مش موجودة وعلى بعد الظهر كده نزلت كانت بتضحك وبمسوطة اووي.

قولت لها ايه اللي باسطك ؟

قالت لي : أنا بنتي جت لي إمبارح وشوفتها وفضلت تقول لي سامحيني سامحيني وقالت لي : إن أنا وهي هنتقابل قريب، ممكن أكون هموت وهروح لها.

أمي بتكمel وبتقول : كنت بسمع الكلام ده وأنا جسمى بيترعش من الرعب، بس الست قالت لوالدى : أنا مش هبات عندك تانى، بصراحة هي اتضايفت مني وقالت لي إن أنا ماينفعش ابات عندك تانى.

فامي سالتها قالت لها : اتضايفت إزاي يعني ؟

قالت لها : اتضايفت وقالت ان انت حاولتى تضررها وهي واقفة تحرسى.

الست دي مابقتش متواجدة بشكل دائم فعلاً زي الأول، وخلال فترة مش طويلة بدأ أمي ضميرها يأنبها وبدأت تقول احنا أهملناها، حد منكم يطلع يخبط عليها يقول لها تنزل شوية، قولنا لها : ليه بالذات انهارده الطلب ده ؟

قالت : كانت معاي في الحلم وكانت زعلانة مني.

طلعنا وكانت الصدمة لاقيناها ميته في شقتها !

الحكاية أنا مش فاكر تفاصيلها بالقوة أو بالوضوح اللي أنا قلته والدقة دي لأنى ماعتبرش كنت كبير سنا لكن الشقا والمرحمة والشغل كانوا مخليني كبير، لكن لما كبرت بقا بجد وبدأت أسأل أمي على التفاصيل اكتشفت ان كل التفاصيل اللي عندي كانت حقيقة فيما عدا تفصيله محكيتهاشلينا وقتها تفصيلة واحدة ان الست جارتنا فضلـت تيجي لأمي كتير تزورها واحنا برا البيت في الشغل !

مصيف الخوف

- خبيبة للصديق (إيهاب) ..

يبيقول: من حوالي كام سنة خدت زوجتي ورحنا نقضي يومين في المصيف في شاليه واحد صاحبى..

الشاليه ده كان غريب جدا .. بمجرد ما تطفي النور وتُقفل الشبابيك في عز الظهر بيبقى ضلعة بشكل عجيب..

وصلنا بعد العصر حطينا شنطنا واترمينا على السرير ونمّنا من تعب السفر ..

لما صحينا كان الشاليه ضلعة كحل.. مش قادر أحدده هو النور قاطع ولا احنا بالليل ولا إيه؟

صحيت مراتي ودورت على تليفوني عشان أنور المكان.. في اللحظة دي مراتي شافت في الضلعة خيالات بيضه زي الدخان.. راس وجسم متهددين بس بدون ملامح.. وكتير جنب بعض..

طبعاً اتخضت جامد وسألتني لو كنت شفت اللي هي شافته؟ قولتلها لا وحاولت أطمئنها وأهديها خصوصاً انه أول يوم في الرحلة وماكنتش ينفع نبوظها ...

بس الصراحة أنا كنت قلقان وقلبي مقبوض طول الوقت من المكان..
قعدنا حوالي أسبوع كنا بنحاول نقضي وقت طويل جداً بره الشاليه
ونرجع على النوم بس..

مراتي شافت الخيالات أكثر من مرة وكل مرة كنت بقناعها أنها تهبيات
وأنا مرعوب..

مرة خرجت بالليل أشتري حاجة ورجعت.. قبل ما أوصل للشاليه
بحوالى 100 متر لقيت واحد جاي ناحيتي، ملامحه ماكنتش باينة أوى

لأن الدنيا ضلعة والقمر في ضهره..

أنا توقعت أنه فرد أمن للمنطقة أو حد من المصيغين..

شوية والشخص ده قبل ما يوصلني دخل في زرع على الطريق ..

الزرع قعد يتهز جامد وكل شوية يطلع راسه بيص عليا ويدخل تاني
جوه، كل ده تزامنا مع وجود ربيحة كريهة جدا.. وفجأة لقيته بيص
عليا من فوق الهيش!

لو عرفتم إن الزرع دا ارتفاعه لا يقل عن ٣ متر هتقدرموا تفهموا الرعب
اللي كنت فيه ..

اتجمدت في مكاني .. بعد دقائق خرج الشخص أو الكائن ده من الزرع
ووقف قدامي علي بعد أقل من ١٠٠ متر، وهو مربع إيديه وبعدين لف
وشة ومشي وبعدها نام على بطنه وزحف بشكل مخيف !

طبعا أنا مبقتش مصدق اللي شوفته ..

لما رجعت تاني يوم خدت زوجتي عشان نروح.. واحنا نازلين حاجة
خرجت من جنب الباب.. حاجة ضغطت على رجلي بعنف ومش شايها
كان رجلي بتتشل .. وحرفيًا كنت مش قادر أمشي !

لحظة وشدة رجلي فكت، إيه بقى ده اللي مسک رجلي؟ معرفش .

لما رجعنا من المصيف، وقابلت صديقي صاحب الشاليه وبحكي له
الموقف.. ضحك وقال: هما طلعولك؟

كلمة هما طلعولك قشعرت جسمي كله..

وشريط الأربع أيام كله مر قدام عيني.. افتكرت كل تفصيلة كانت
بتحصل غريبة وبكير دماغي ..

الكلمة كانت أكتر كلمة مرعبه سمعتها.. أنا ومراتي مكناش عايشين
لوحدنا..!

كان في حد طول الوقت عايش معانا.. بيراقبنا.

بعدها حكالي صديقي أنه أكثر من حد راح الشقة واشتكى من حاجات غريبة بتحصله، واحد قال انه شاف ناس من غير رؤوس بيمشوا في الصالة، وواحد تاني قال انه كان بait وفجأة النور قطع وابواب المكان كلها اتفقلت جامد وسمع صراخ رهيب، وحارس المنطقة كان بيقول انه بيسمع أصوات زعيق وأطفال طول ما هي مفولة. محدث يعرف إيه السر ورا كل ده؟

من ساعتها مقربتش من الشاليه ده تاني.

تذكر أنك حملت رواية اعتاب مكتبة حصرياً ومجاناً من على موقع مكتبة بيت الحصريات أكبر مكتبة للكتب والروايات الحصرية والمميزة والجديدة والنادرة ولتحميل المزيد ادخل على جوجل واكتب في خانة البحث مكتبة بيت الحصريات هناظهر لك.

أسرة من العالم الآخر

- صديقة لنادي الخبايا بتقول

كانت لينا قريبة كبيرة في السن.. هي ماتجوزتش وعايشة لوحدها..
ومن زمان بتعاني من مرض نفسي وعايشة لوحدها..

في الوقت ده كانت تعبر لدرجة إننا قولنا إن دي آخر أيامها وإنها بتودع خلاص و كلها على بعضها مسألة أيام معدودة.

ودينها المستشفى واتحجزت هناك وبعدين رجعنا شقتها نلم حاجتها..

شقتها كانت في الدور الأخير ولما دخلنا لقينا حاجات غريبة في الشقة..!

زي أنها جايبة ٣ من كل حاجة..

يعني لو عصير ٣

لو بسکوت ٣

ومرخصين بطريقة معينة..!

أنا كان معايا ولادي، وأختها وبنت ثانية، وقعدنا ننضف الشقة..

ابني الصغير قعد شوية عند ركن ساكت خالص!

فجأة خيال عدى من قدام الباب رايح جاي بتاع مرتين و اختنى...!

استعذت بالله من الشيطان الرجيم..

وبعدين دخلت الحمام.. أول لما دخلت شفت دخان في ركن في
الحمام..

بيص في مراية الحمام نظرة عابرة شفت لقيت عينيا حمرا زي الدم !

خرجت ولمينا الحاجة وخرجنا بسرعة..

قابلتنا واحدة جارة الست دي.. حكت وقالت :

(الست المريضة) كانت دايما تسمعها بتكلم اتنين معاها ، وكانت دايما
بتقول : (ودي الولد للدكتور الولد تعبان) ..

معرفش مصدر الصویت أيه..

مكنش حد مصدقني.. أنا حكت بس لأمي ولزوجي، فضلوا يضحكونا..

الغريب وقتها : ان الجارة قالت إنها كانت بتسمع صوت طفل صغير
جوا الشقة وصوت راجل، وفي مرة قالتها وواجهتها قالت لها ابني
وجوزي واحدنا كلنا عارفين إنها عايشة بطولها..!

بعدها لقيت واحدة قريبة ماما عرفت بالموضوع، بتتصل بيها وبتقول
لي ما تروحيش الشقة دي خالص الست دي مخاوية وإن كان عاشقها

جن وانها كانت عايشة معاه واتجوزته وخلفت منه وعشان كدا
متجوزتش حد من البشر.. وأنا قولت لأمك الكلام ده كذا مرة
وما صدقتنيش !

السؤال هنا، هل فعلا فيه جواز إنس من الجن ولا دي مجرد إشاعات؟

خبايا عالمية ٢

- إلى خبيئة أخرى من أمريكا

صاحبها بيقول: أنا عندي ٤٣ سنة، أنا عايش في الولايات المتحدة الأمريكية مهاجر مع أبويا وأمي من وأنا يمكن ١٣ سنة.

هي لعبة ولعبتها ودفعت تمنها غالى جداً هحكىها لكم .

كان عمري وقتها ١٥ سنة يعني بعد ما هجرنا يمكن بستين أو ثلاثة مثلاً اتعرفت على ٣ أصدقاء عرب في الحي اللي كنا ساكنن فيه واتصاحبنا جداً وحبيت البلد بصرامة بسببهم بعد ما كنت حاسس بغرابة وكاره نفسي وكاره حياتي بسبب إن احنا سيبنا كل أهلاً وجرينا وصحابنا وسيينا مصر.

خليني أدخل في الموضوع، لاقيتهم في مرة بليل متاخر جايين وقالولي يالا عندنا مغامرة وفي السن ده بتبقى جميلة أو هي موضوع الخروجات والمغامرات، نزلت معاهم ومشينا لحد المقابر.

قولتهم : احنا هنعمل المغامرة هنا ؟

مغامرة إيه اللي هنيلها في المقابر؟ ضحكوا ومحدش علق وبالمناسبة هما كان فيهم واحد مهاجر زي هو وأسرته والثاني كان عايشين هنا أصولهم مصرية ولكن عايشين هنا من زمان .

انتوا طبعاً عارفين شكل المقابر عندنا في أمريكا عامل إزاى ؟

بتبقى عباره عن جنain كبيرة جداً ومفيش بقى لا سالم طالعه ولا سالم نازلة ولا أوض ولا الحاجات دي، هو مساحات خضراء ويتحفظ ويتحفظ التابوت وبعد كده يتبني حاجة زي الشاهد أو اللوحة العمودية اللي عليها بيانات المتوفى. كانت أول مرة الحقيقة أروح المقابر واكتشف إنها نوعاً ما قريبة مننا بالشكل ده. وقفوا في منطقة معينة وفتحوا الشنطة اللي كانت معاهم وطلعوا حاجة زي ملایة فرشوها على الأرض علشان نقدر عليها ، قعدنا، طلعوا صندوق خشبي مصطح شكله قريب جداً من الشطرنج مكتوب عليه من برا spirit اللي هي الروح.

فتحوه كان من جوا عباره عن لوحة للعب ومن الأطراف حاجة زي أماكن هتتحفظ عليها صوابع اليدين.

ومكتوب في النص جملة طويلة بالإنجليزية وعليها فوق الكلمة **Read** **please**

اقرأ من فضلك ”

سألتهم هنعمل إيه ؟

قالوا احنا هنصحي حد من الميتين اللي هنا !

خوفت ولكن فضول المراهقة غلبني وغلب خوفي، حطينا كل واحد صوابع إيده الشمال كامله في الأماكن المخصصة في اللعبة لعبه **spirit**.

وبدأنا نقرأ المكتوب في النص مع بعض واللي كان ترجمته كالتالي:

(نعلم أنكم موجودون)

نعلم أنكم تسمعون

نعلم أنكم تنتظرون النداء

نمنحكم الفرصة بالظهور

نمنح صاحب القبر الذي أمامنا فرصة بالظهور

نسفح لروحه المجال للظهور

نعلم أنكم موجودون، نعلم أنكم تسمعون

نعلم أنكم تنتظرون النداء

نمنحكم الفرصة بالظهور

نمنح صاحب القبر الذي أمامنا فرصة بالظهور

نسفح لروحه المجال للظهور ..

وفضلنا نكرر نكرر كذا مرة، معرفش يمكن ده كان الإيحاء ولا
إيه، بس أنا متتأكد كوييس إن أنا حسيت بهوا بارد لثانية أو ثانيةتين
ضرب جسمي كله واحنا بنعید.

واحد مننا قام نط وقال : حد لمسني حد لمسني حد لمسني.

محدش فينا حس بس هو الوحيد اللي حس بده، خدنا الموضوع بهزار
وقولنا مش هينفع نخوف بعض وقعد وكملنا، بس في شعور بدأ يتسلل
ليا إن في حد موجود معنا أو في حد بيراقبنا.

بصيت لهم وقولت لهم أنا احساس إن في حد ورانا!

نطينا احنا التلاتة لما سمعنا صوت كلب لقينا كلب واقف ورانا نظراته
شرسة جدا، واقف ما بيتحرکش، عمال ينبح ويهوهو بالشكل ده في
وشنا !

وبعدها سكت تماما وفضل واقف صامت تماما.

بدأنا نلم الحاجة بتاعتتنا بمنتهى الهدوء وهو واقف زي التمثال
يراقبنا.

اتحركتنا بدأ يمشي ورانا برد و بهدوء، خرجنا من منطقة المقابر كلها
سابنا ورجع دخل جوا من نفسه !

روحت البيت ودخلت أوضتي قعدت على سريري وكنت خايف وقلقان
وفرحان والفرحة كانت غالبة الحقيقة من المغابرة اللي عملناها!

نمت وصحيت بعد شويه على نباح كلب مخيف أيوه سمعت صوته
تاني، بصيت من شباك أوضتي لاقيته واقف قدام البيت، وبصلي
بمنتهي الشراسة .

وقف شوية وبعدها مشي !

يوم ولاقيت الاثنين زمايلي وببحوكوا نفس السيناريو الكلب وقف قدام
بيتهم ونبح شوية ومشي..

تاني يوم خرجت مع والدي ووالدتي نشتري طلبات من السوبر ماركت
واحنا اشترينا الحاجات ورايحين ناحية العربية لاقيت الكلب نايم على
كبوت عربية تانية جنبنا !

هو كلب أسود وحجمه كبير ولكنه كان نايم ومستغرق جدا المرادي،
قربت منه بفضول ووالدي ووالدتي ماكانوش واخدin بالهم إن أنا
بقرب من الكلب، راحته كانت وحشة جدا نفس رحة المقابر اللي كنا
فيها !

بابا زعق فيا وقال لي بتعمل ايه؟ في اللحظة دي الكلب صحي وقام
وقف قدام ع العربية اللي كان نايم عليها وبقى واقف في مواجهتي من
غير ما أنا أطلب ده وأقصده، مابقتش عارف أطلع قدام ولا أرجع ورا
وجسمي متخشب الكلب قدامي، بابا بيقى شايل دايما في العربية

مضرب Baseball

لقيته جابه وجيه جري ناحية الكلب، أول ما شاف والدي طلع يجري .
روحت البيت لاقيت صاحبي الاثنين واقفين عند الباب مستنييني.

دخلوا وكل واحد بدأ يحكي مواقف مشابهة للي الكلب عملها، كلها بتقول إن الكلب بيطاردهم وبيشوفوه كتير، ماكناش فاهمين في إيه قالوا هيروحوا طلعننا لقينا الكلب واقف في الجنينة وبعدها مشي !

كل واحد روح وعلى بليل نمت صحيت على صوت خبط في الدور الأرضي في البيت عندنا فتحت الاوستة وانا نازل على السلم عشان أشوف في إيه تحت، لاقيت الكلب واقف على السلم جيت أتحرك لورا طلع الصوت المرعب بتاعه قومت قاعد مكانني على السلم قرب مني وقعد في وشي وجهاً لوجه كده زي الأسد ونام

حاجة غريبة خلتني أحاول أقرب إيدي منه وأطبطب عليه لقيت جسمه متلجم ما فيهوش أي آثر روح لكن الكلب كان مستجيب وساكت وأنا بطبعه عليه.

بدأت اتكلم زي ما يكون فاهمني وبدأت أقوله:

لو انت الروح اللي حضرناها ولا العفاريت اللي حضرناها احنا بنعتذر ماكناش فاهمين إن الموضوع هيقلب بجد، ارجوك سينينا احنا آسفين.

سكته وصته كان محسنسني إنه زي ما يكون فاهم كل حرف من كلامي .

دخلت أوضتي وهو هادي كده جيبت بقايا أكل من عندي وحطتها له و كل كان جعان وفضلت أكلمه أكلمه لحد ما ماما جت ورايا وقالت لي: خالد حبيبي انت اتجننت انت بتتكلم نفسك يا بابا ؟!

بصيت لها وبصيت عليه لاقيت الكلب مختفي والأكل زي ما هو ما أناكلش منه حاجة !

دي كانت آخر مرة أشوفه فيها وحتى صاحبي كمان ما شافوهوش بعدها .

اختفى فجأة زي ما ظهر فجأة ولحد يومنا هذا وأنا كبيرالموضوع ده

عمرى ما بنساه، سالت فيه عندنا في الكنيسة وسألت شيخوخ على فكرة والردود كلها كانت مقتضبة وغير شافية لي إلا واحد كان قارئ في عالم ما وراء الطبيعة قال لي الكلب ده مش روح الكلب ده ممكن يكون عفريت أو جن حضرتوكها.

الروح احنا ملناش سيطرة عليها هو ماكنش عايز ياذيكوا هو ماكنش فاهم حضرتوكها ليه فكان بيطلع لكم عشان يفهم إيه المطلوب وباللي انت عملته غالبا انت صرفته وهو بسبب اعتذارك اللي انت عملته مشي ورجع لمكانه .

بصمة مجهرة

- صديقة نادي الخبايا (م).. بتقول: حكت لك قبل كده عن موقف حصل لي بسبب المس والجن العاشق.. أنا الحمد لله خفيت بعد ما جبت مشايخ وعملت جلسات وكدا..

- الفترة دي من حياتي كانت فترة صعبة.. بس أنا مطلعتش من التجربة دي زي الأول.. بالعكس أنا اتغيرت.. بقى أشوف وأحس بحاجات مفيش حد غيري شايفها.. الله أعلم بسبب إيه بس الاحتمال إنها بسبب المس.

- مرة كنت مع بناتي عند عمتهم، وعندها أوضة كل اللي بينام فيها لازم تجيئه كوابيس.. أتعودنا على كده ..

- المهم أنا من عادتني بحط التليفون تحت المخددة لما بعمله منبه.. ونممت ..

- صحيت على صوته كان بعد الساعة ١٢ بالليل مع إني كنت ظبطاه على ١٠ .

- من التوهان قولت أعمله غفوة أرتاح شوية وأقوم تاني.. يادوب

لسه هغمض عيني لاقيت تليفوني بيرن .. سحبته من تحت المخدة
لاقيت تليفوني متل جدا و الشاشة عليها بصمة صاعد اد بصمتنا ييجي
تلات مرات وواضحة جدا!!

- خفت ورميت التليفون من ايدي التليفون فضل يرن من غير ما يقف
كانه علق ! والشاشة بذات تجبيب الوان وأشكال غريبة وصوري عمالة
تتعرض عليه وهو بيرن كان حد بيترج عليها وبعدها بدأ يتعمد زووم
على صور بناتي بالذات !

- بنتي الصغيرة دخلت الأوضة عليا.. وشافتني وأنا مرعوبة وقالت
لي:

- - ماما مالك ؟

- وأنا مش عارفة أرد عليها..

- لما روحنا التليفون رجع زي الفل وكان مكنش فيه أي حاجة.

- بسأل عمة الولاد قالت لي الأوضة دي ما انت عارفة غريبة طول
الوقت !

البداية كانت حلم

- الصديقة (س) بتقول الحكاية بذات بحلم..

نمت وحلمت إن أنا قاعدة في مكان وسط عيلتي وبنضحك ونهزر،
وبعدين بتدخل ست عجوزة وفي إيدها عصايا أو خرزانة بتضربني
على دماغي ضربة موجعة جدا وتمشي...!

صحيت مفروعة وموجعة..

أنام تاني أحلم نفس الحلم.. بس جوه الحلم عندي إرادة وبقدر أفك
وأتحرّك، فأغير مكاني وأروح أقعد بعيد في زاوية تانية تدخل المست

العجوزة على المكان القديم متلاقيش تفضل تبص في وشوش الناس
لحد ما تشوفني تبتسم وتيجي ناحيتي وتضربني بغل، أقوم مفروعة..!
خفت بعدها أنا..

اليوم اللي بعده روحت عند ماما الصبح، وعشان منمتش كويس بالليل
فقررت أفرد جسمي على الفوتيه في الرি�سبشن.. مكنتش نايمة.. كنت
باصة على ماما وشايفاها بتلاعب ابني الصغير..

فجأة شوفت عند باب الشقة الست العجوزة بتاعة الحلم..

كنت بحاول أصرخ أو أتحرك أو ألفت انتباه ماما ليابس معرفتش..
حاولت أردد آيات من القرآن بس حسيت إن لساني تقيل.. الموضوع
ده استمر دقيقة بس حسيت أن الزمن له حساب تاني خالص وكان فيه
غلاف سميك غلفي وفصلني عن الواقع والزمن الحقيقي..

فتحت الباب وخرجت وسابت الباب مفتوح.. صرخت.

ماما بصت لي باستغراب.. مبقتش مصدقة إنها مشافتتش اللي أنا
شفته، ولما سألتها قالت لي: (أنا بصيت لك لقيت عينك مفتوحة
وبتبصي لنا عادي، فكملت لعب مع الولد) بس استغربت لما لاقت فعلا
باب الشقة مفتوح !

دراعي بدأ يوجعني بدون سبب وماكنتش قادره أحركه فعلا ولما
كشفت عنه طلع في كدمة شديدة، بعد الموقف ده فضلت مش قادره
أحرك دراعي كثير.. بقى بنسى كثير وفيه صداع غبي فضل معايا..
بعدها حلمت بيها ماسكانى من دراعي ده وبتعضنى منه !

زوجي خدني لواحدشيخ وحكيت له..

الشيخ استغرب إزاي أنا كنت مستحملة كل ده ومتجننتش..

المهم الشيخ استعاز واستuan بالله، وفضل يقرأ آيات معينة من

القرآن.. كل لما يقرا كان جسمي بيرتعش.. وفجأة ومش عارفة ده حصل إزاى لاقيت نفسى في حالة بين النوم والصحيان.. لكن وأنا في الحالة دي كنت شايطة دخان كتير وكثيف جدا، وشايطة الست المخيفة دي..!

لما فقت لاقيت الشيخ في إيده طبق مليان ميه، وبيفضي منه عليا، وعمال يقول (بحق لا إله إلا الله انصرفي عنها.. بحق لا إله إلا الله انصرفي عنها).

خرجنا من عند الشيخ بعد ما أعطاني حجاب في سلسلة ألبسها.. وقالي دي جنية بتحاول تصايقك بكل شكل عshan انت آذتها زمان !

هدية من إبليس !

- صديقة لنادي الخبايا بتقول:

أنا عندي ٢٥ سنة ساكنة في العبور، حياتي هادبة وعادية زي أي حد، اشتغلت في كول سنتر تابع لشركة محمول ومرتبى كان مكتفى والحمد لله، أنا وحيدة أمي وأبويا، ومن وقت تخرجي كان كل أملهم العريس العريس العريس

وأنا مش معترضة، لما ييجي حد لما أبص وأشوفه كوييس أبقي أتجوز وأريحهم مني لحد ما اتقدم لي زميلي في الشغل ووافقت وبابا وماما كانوا في غاية السعادة.

بسنا دبلتين وقولنا كفاية نبقى نجيب بقى قبل الفرح حاجة بسيطة كده دهب على قدنا مش لازم الأفورة المرضية بتاعت الأهل في الشبكة وطلبات الجواز.

عيد ميلادي كان يوم ١٤ لاقيت خالد جايلى الساعة ٧ بليل وجايسب صندوق كبير شكله في هدية عيد ميلادي ماحتاجتش وقت أفكر كتير

عشان أعرف الصندوق فيه إيه لأن الصندوق صوته كان موضح فيه إيه، كانت قطة لونها أبيض في إسود طلعتها من الصندوق وكانت جميلة جدا والأجمل إنها منه، قال لي آخذها أربيها وهنأخذها بيتنا إن شاء الله .

اهتميت بيها وحبيتها جدا خدت حوالي ٤ أيام عشان تاخذ على البيت وعلى بابا وماما وأنا كمان بقىت بعدها أرجع من الشغل تجري عليا وكأنها بترحب بيا.

لحد ما صحيت في مرة على صوت ماما عمالة تزعق قمت أجري بقولها في إيه يا ماما قالت لي الزفة بتاعتكم عملت حمام على السجادة في الصالة طلعت بسرعة أنا مسحت السجادة ونضفتها والقطة اللي أنا مسمياها بيسكي مخفية مش لاقياها، دخلت أوضتي بعدها سمعت ماما بتزعق وبتصرخ تاني طلعت أجري لاقيتها عملت حمام تاني للأسف على سجادة أوضة ماما وبابا، وماما كانت بتتنضم مكانها وبتقولي بتاعة دي لازم تترمي برا بتاعة دي ملهاش عيش في البيت عندنا تاني !

لاقيتها في اللحظة دي مستخبية تحت الدولاب اللي في أوضة ماما وبابا، زعقت فيها مابتتحرکش حاولت أطلعها مابتطلعش، جبت بصراحة يعني حاجة من الجزم بتاعة ماما وحافتتها بيها طلعت تجري برا الأوضة.

مش عارفة بتعمل كده ليه مع إن في صندوق في البيت مليان رمل ومتعوده عليه عادي يعني المهم دخلت أوضتي لاقيتها بيسكي في الأوضة معرفش دخلت إزاي والأوضة مقوله والباب مقول خدتها على رجلي وبدأت أكلمها وأقولها انه ماينفعش تعطلي كده ماتزعليش حد منك وإذا بي أقسم بالله ألاقيها بتتلفت ليها بنظرة كلها غضب وبدأت تنونو بشكل عمري ما سمعتها بتتنونو بيه قبل كده.

مرجعة ودانها لورا وبتطلع الأصوات الغريبة دي وهي على رجلي، أنا

خوافت منها فتحت البلكونة بتاعة الأوضة وقفـلـتـ عـلـيـهاـ البـلـكـونـةـ !

لبـسـتـ هـدـوـمـيـ وـرـوـحـتـ الشـغـلـ قـضـيـتـ مـعـظـمـ الـيـوـمـ هـنـاكـ كـنـتـ تـعـبـانـةـ وـمـضـاـيـقـةـ منـ الـلـيـ هـيـ عـلـمـتـهـ وـمـضـاـيـقـةـ منـ الصـوتـ الـلـيـ بـتـعـمـلـهـ رـوـحـتـ الـبـيـتـ أـوـلـ ماـ رـوـحـتـ مـاـمـاـ سـأـلـتـنـيـ قـالـتـلـيـ مـاـشـوـفـتـيـشـ القـطـةـ بـتـاعـتـكـ ؟ـ مـشـ ظـاهـرـةـ طـولـ الـيـوـمـ خـالـصـ،ـ قـوـلـتـلـهـ يـاـ خـبـرـ أـبـيـضـ دـهـ أـنـاـ نـسـيـتـهـاـ يـاـ مـاـمـاـ فـيـ الـبـلـكـونـةـ مـنـ الصـبـحـ دـيـ مـاـكـالـتـشـ لـقـمـةـ دـيـ مـاـكـالـتـشـ أـيـ حـاجـةـ،ـ جـرـيـتـ فـتـحـتـ الـبـلـكـونـةـ مـاـلـقـيـتـهـاـشـ !ـ

بـالـمـنـاسـبـةـ اـحـناـ سـاـكـنـينـ فـيـ الدـورـ الـعـاـشـرـ،ـ كـلـ رـعـبـيـ كـانـ إـنـاـ تـكـوـنـ نـطـتـ مـنـ الدـورـ الـعـاـشـرـ وـمـاتـتـ نـزـلـتـ الشـارـعـ فـضـلـتـ أـلـفـ وـأـدـورـ عـلـيـهـاـ لـحـدـ مـاـ فـقـدـتـ الـأـمـلـ تـمـاـمـاـ وـنـمـتـ وـصـحـيـتـ عـلـىـ صـوـتـهـاـ وـجـايـ منـ الـبـلـكـونـةـ مـشـ صـوـتـهـاـ زـيـ مـاـيـكـوـنـ وـاحـدـ بـيـتـكـلـمـ صـوـتـ مـرـعـبـ زـيـ مـاـيـكـوـنـ فـيـ طـفـلـ فـيـ الـبـلـكـونـةـ.

الـنـورـ فـيـ الـلـحـظـةـ دـيـ قـطـعـ،ـ ضـلـمـةـ تـامـةـ مـشـ عـارـفـةـ أـتـنـفـسـ وـمـفـيـشـ أـيـ حـاجـةـ حـوـالـيـاـ غـيرـ صـوـتـهـاـ وـكـانـهـ بـتـسـتـغـيـثـ عـلـشـانـ أـفـتـحـ الـبـابـ بـسـ الـصـوـتـ دـهـ عـمـرـيـ مـاـ أـفـتـحـ لـهـ الـبـابـ وـبـدـاـتـ الـبـلـكـونـةـ تـتـزـقـ وـكـانـ فـيـ حـدـ بـرـاـ بـيـزـقـهـاـ !ـ

فـيـ الـأـوـلـ الزـقـ كـانـ بـسـيـطـ وـلـكـنـ بـعـدـ كـدـهـ بـقـتـ دـفـعـاتـ قـوـيـةـ جـداـ كـانـ فـيـ حـدـ عـاـيـزـ يـكـسـرـ الـبـلـكـونـةـ وـيـدـخـلـ،ـ اـتـحـرـكـتـ نـاحـيـةـ بـاـبـ الـأـوضـةـ وـأـنـاـ مـشـ شـايـفـةـ حـاجـةـ وـلـاـ عـارـفـةـ أـجـيـبـ الـمـوـبـاـيـلـ وـأـنـورـ بـيـهـ وـلـاـ عـارـفـةـ أـعـمـلـ أـيـ حـاجـةـ وـصـوـتـهـاـ مـسـتـفـزـ جـداـ .ـ حـاوـلـتـ أـوـصـلـ لـبـاـبـ الـأـوضـةـ وـأـنـاـ مـشـ شـايـفـةـ حـاجـةـ قـدـامـيـ مـدـيـتـ إـيـديـ عـشـانـ أـمـسـكـ مـقـبـضـ بـاـبـ الـأـوضـةـ وـأـفـتـحـهـ لـاقـيـتـ مـلـمـسـهـ غـرـيبـ،ـ مـشـ دـهـ الـمـلـمـسـ الـلـيـ أـنـاـ عـرـفـاهـ لـبـاـبـ الـأـوضـةـ،ـ اـكـتـشـفـتـ إـنـ أـنـاـ مـاـسـكـةـ مـقـبـضـ بـاـبـ الـبـلـكـونـةـ وـبـفـتـحـ الـبـلـكـونـةـ لـلـقـطـةـ مـعـرـفـشـ رـوـحـتـ لـهـ إـزاـيـ !ـ

أـوـلـ مـاـ مـسـكـتـ مـقـبـضـ بـاـبـ الـبـلـكـونـةـ الصـوـتـ سـكـتـ،ـ رـجـعـتـ سـيـبـيـتـهـ الـصـوـتـ رـجـعـ تـانـيـ،ـ بـدـاـتـ أـكـلـمـهـاـ وـأـقـولـهـاـ يـاـ بـيـسـكـيـ أـنـتـ الـلـيـ بـرـاـ ؟ـ

لكن الصوت البشع هو اللي موجود قولتها لو مابطلتنيش تطلع
الصوت ده أنا مش هفتح لك!

مفيش فايدة الشيخ اللي جوايا حضر وبدأت أقرأ قرآن، مفيش حاجة
حصلت ترق الباب شوية وتنونو على طول وأنا مكانى مش عارفة
أعمل إيه لحد ما باب البلكونة خبط الخبط العادي كان في حد بيخط
مش الزقة اللي هي كانت بتزقها كان في حد بيخط بصوابعه خبطه
مهذبة عادية جدا خبطه بنى آدم.

رجل يا ماكنتش شيلاني، قعدت في الأرض وبدأت أتحرك عشان عاوزة
أدور على باب الأوضة وأخرج لحد ما إيدي جت على شعر، شعر ناعم
وصوت قطة بتتنفس جوا في الأوضة معايا حطيت إيدي لاقيت قطة
فعلا قطة موجودة في الأوضة.

النور لما رجع لاقيتها نايمة بهدوءها علي سجادة أوضتي وبكل براءة
بتبعص لي، جريت عالبلكونة فتحتها مالقتش أي حاجة وهي واقفة
بنظرتها البريئة وبصوتها البرئ.

تاني يوم كنت مرجعها لخطيبي وطلبت منه يرجعها من مكان ما
جابها، قولته ماما مضايقة من وجودها ومارضتش أحكيله عن اللي
حصل فضلت بعدها يمكن شهرين أحلم بيها بتجيلى بتلومنى أنا ليه
عملت كده، ومن يومها مجرد ما بقيت أسمع صوت أي قطة أو أشوف
أي قطة في أي مكان قلبي يدق وأترعب لأن نظرتى ليهم اتغيرت تماماً
ما بقتش أشوفهم بالشكل البرئ بقيت أشوفهم وحوش بقيت أشوفهم
متوحشين وسنانهم مرعبة وأشكالهم شرسه ووصلت لمرحلة أشبه ما
يكون أن عندي فوبيا من القطط.

تذكر أنك حملت رواية اعتاب مكروهه حصرياً ومجاناً من على موقع
مكتبة بيت الحصريات أكبر مكتبة للكتب والروايات الحصرية والمميزة
والجديدة والنادرة ولتحميل المزيد ادخل على جوجل واكتب في خانة
البحث مكتبة بيت الحصريات هنظهرلك.

تعرفوا ؟

- إنه نشر في جريدة الأهرام بتاريخ سنة ٢٠٠٧ -

إن صياد في إسكندرية بيقول كنت بطلع بليل بمركب صغير شويه أصطاد في البحر، وفي مرة من المرات كنت بصطاد والمركب فضلت تتهز جامد وكانت هتتقلب في البحر حاولت أعرف السبب وألحق نفسي بس مكنش في سبب واضح للي بيحصل، لمحت من بعيد حاجات زي أجسام بتتحرك فوق الموج في البداية قلت إيه ده؟ دي ناس بتغرق ولا ناس بتعموم ولا إيه بس ركذت وبصيت أكتر، عارفين شوفت إيه؟!

لا شوفت ناس ولا شوفت أي حاجة والبحر هدي فجأة وحتى الهزة اللي كانت في المركب هديث. قررت في الوقت ده ان أنا هرجع ومش هكمي اللي أنا بعمله بس مالحقتش اكمل لأنني لاقيت إيد بتطلع من البحر بتتسلق عشان تدخل المركب فضلت أصرخ أصرخ أصرخ من كتر الخوف وأحرك في المركب وأهزم عشان ممكن لما أهزم هي تسبيب المركب اللي هيطلع بعدها ما يطلعش، واللي حصل فعلًا مع كتر هز المركب الإيد اختفت أو نزلت المية تاني، هتقولوا لي كان حد بيغرق والمفروض كنت أنقذه هقول لك الحد اللي بيغرق عمر إيده ما تكون زي اللي شوفتها ولا ضوافره عاملة زي حوافر الحيوانات طويلة ومعقوفة متنية.

ورجعت لبيتي بس المشكله إن بعد أسبوع سمعت عن زميل ليا صياد راح يصطاد في نفس المكان لكن يا ولداه اختفى ومارجعش، في الوقت ده قررت أحكي اللي شوفته يمكن اللي جرى لي ناس تعتبره حاجة بسيطة بس منظر الإيد وشكلها عمري.. عمري ما بقدر أنساه وبترحم على صاحبي لحد دلوقتي.

خبية أخرى من المقابر:

- صديق أرسل لصفحة خبايا مع أحمد يونس يقول :

كنت دايماً وقت الأعياد متعدد أنزل البلد أروح أزور جدي وجدي..
في يوم وصلت متأخر وكان الوقت ليل وملقتش مواصلات أركبها،
فقلت أخذها مشي وخلاص..

حبيت اختصر الطريق وعديت من قدام المقابر بتاعت البلد.. هي
مقابر قديمة وكبيرة وحواليها سور ضخم مكتوب عليها أسماء الله
الحسنى..

مع بداية طريق المقابر بيس يماني لاقيت واحد بجلابية وما سك فاس
وماشي وراه كلب.. وكان الكلب والراجل لونهم أسود..!

مفكرتش كتير وكملت طريقي وحاولت أتجنب أي نظرات ليهم..
طول الوقت سامع هممة وزمرة مرعبة..!

كنت ماشي باصص في الأرض وأول ما شفت الأسفلت رفعت راسي
قلت أشكرك يا رب..

بيص لاقيت واحدة ست شكلها مش واضح وقاعدة فوق سور المقابر
العالى..!

اترعبت جداً وخصوصاً إنها ضحكت ضحكة كان طيارة معدية من
فوقى صوت عالي جداً..

جيست أجري من الخوف فلقيت بيت كان على نهاية المقابر.. قلت
أنا دي على أي حد موجود..

ناديست بس محدث رد.. خبطت على الباب.. وأنا بخط سمعت صوت
همس بس صوتة عالي..

قلت اكيد حد جوه فزقيت الباب ودخلت..

أول ما دخلت بيص يماني لاقيت اتنين واقفين قدام بعض.. أطوالهم زبادة عن اللازم، يمكن أكبر من مترين ونص، دماغتهم كانت قريبة من السقف جداً، لونهم أسود فحم..!

مستحيل دول يكونوا بشر لأن مفيش إنسان بالطول أو بالشكل ده..

انا اتخضيت الصراحة وطلعت قفلت الباب بسرعة..

وأنا طول ما كنت بجري عمال أقول يا رب يا رب..

وصلت لبيت جدي و كل حاجة سكتت مرة واحدة ..

محكتش لحد خالص.. لحد السنة اللي فاتت كنت في زيارة تانية لجدي ورحت سألته فقال لي إن البيت ده بتاع غفير المقابر، وكان متبعود يدفن الأعمال في المقابر، وإنه مات من سنتين وكان عايش لوحده ومالهوش حد، وقعد أسبوع لوحده وهو ميت.. الغريبة أن لما اكتشفوا موته كانت عينيه مفتوحة بشكل غريب جداً..!

ومن وقتها روحه أو قرينه مش بتفارق المكان ده.. وإنه بيطلع بالليل ميخليش الناس تعدي وبيربعهم وأحياناً يفضل يصرخ بصوت عالي.

* * * *

خبية أخرى من المقابر ٢:

خبية من الصديق (طارق) بيقول: كنت طالع رحلة أيام الجامعة لمدة أسبوع.. ودخلنا فندق الإقامة.. المشرف قسمنا كل اتنين في أوضة..

طلعت مع زميلي (محمد) للأوضة وكانت في الدور الثالث.. دخلت الأوضة كانت عبارة عن صالة وغرفة نوم وشكلها مفروش جديد.. بس الغريب إنه كان في ريحه غريبة..! طبعاً مش في دماغي.. ابتدت أفرغ حاجتي وأشغل التلفزيون وفجأة لاقيت القنوات بتبدل لوحدها

وبسرعة.. قفلته وفتحته لكن نفس الموضوع.. قفلته خالص.

دخلنا ننام وبعد شوية سمعت صوت مية في الحمام.. رحت أشوف
فيه إيه؟ مفيش حاجة..

رجعت الأوضة وبعدين ابتدى يبقى في صوت بكاء من الحمام برضه
بس زي الأنين كده، والريحة في الغرفة زادت..!

زميلي كان نايم ومش داري بأي حاجة..!

فضلت على كده شوية والساعة بقت واحدة صباح الاقيٍت خبط
خفيف على الباب الخارجي للأوضة مع إن في جرس ...

رحت أشوف من العين السحرية.. شفت راجل قصير لابس بالطوا
إسود وعطيني ضهره، وواقف في وسط الطرقة..!

بقيت أقول هي ليلة مش فايةة ومش هعرف أنا.. آخر حاجة رحت
كلمت الاستقبال وأول لما قلت له على رقم الأوضة قال لي:

- أنت في الأوضة دي، أنا هشوف لو اعرف أغير لك الأوضة.

- ليه يا عم في إيه ؟

- ما تخافش شغل التلفزيون أو الراديو على القرآن وخلاص.

قلت أحاول أنا..

وفعلا نمت.. لكن صحيت على هزة قوية في كتفي.. وسمعت صوت
عياط واحدة.. لما فتحت عيني لاقيت واحدة واقفة عند نهاية السرير
وبتبكي بالأنين المزعج ده ولما اتحركت من مكاني اختفت..!

شوية ولاقيت زي صوت حد بيمشي في الصالة الخارجية.. بصرامة
خفت فعلا، وقفلت باب غرفة النوم وخليت الشنطة وراه وشغلت قرآن
وعليت الصوت..

كل شوية كنت ألاقي الشنطة بتقع..! أعدلها تقع تاني..!
بصيت على محمد لقيته برضه نايم ومش داري حاجة..
نزلت قعدت في الاستقبال..

شوية ولاقيت محمد زميلي جاي يجري وهو خايف.. سأله إيه اللي
حصل؟ قال إنه صحي يدخل الحمام فالباب اتففل عليه، وبعدين سمع
ست بتضحك ورا الباب..! خاف وطلع جري على هنا..

خلال الوقت ده سالت موظف الاستقبال:

- ما تحكي لي إيه اللي في الأوضة دي وحكيتها إيه؟
قال:

- الكلام اللي هقوله لك بيني وبينك.. الأوضة اللي انت فيها حصل
فيها كام حادثة..

- طيب إحكي لي إيه اللي حصل؟

- بصراحة أنا سمعت أنه من فترة طويلة كان في اتنين متجموزين
جديد، وجم الأوضة في شهر العسل.. وبعدين اتخانقوا.. محدث عارف
سبب الخناقة.. بس تاني يوم لقوا الزوجة مقتولة ومرمية على الأرض
بين السرير والتلفزيون والأوضة غرقانة دم.. أما الزوج لاقوه شانق
نفسه. طبعاً قفلوا الجناح ونضفوه وجددوه وشالوا الفرش، بس
المشكلة إن ريحه الدم عمرها ما طلعت من الغرفة، وأي حد بيدخلها
أول حاجة بيلاحظها ريحه الدم. فضل الأوضة مفولة محدث
بيستعملها الا في الطواريء لو الفندق مليان، ولما بينضفوه أكثر من
واحد بيروحوا مع بعض مفيش حد بيرضي يدخل لوحده هناك.

بعد الكلام ده طبعاً نقلنا أوضة تانية.

أبواب الموت

- خبية أخرى بتقول..

من حوالي سنتين رحنا قضينا أسبوع في المصيف ولما رجعنا لاقينا
البيت بتاعنا اتسرق.. الحرامي كسر باب الشقة ودخل.. لحسن الحظ
مكنش عندنا حاجة غالية أوي.. يعني اتاخد التليفزيون وشوية حاجات
بسقطة..

بابا راح لنجار وطلب منه باب، ولما لقى أسعار الأبواب الجديدة غالية،
النجار قال له أنا ممكن أجيب لك باب مستعمل وبكون أحسن من
الجديد..

وفعلا جه النجار وجاب باب له شراعة إزار، وركبه، وكل حاجة كانت
 تمام..

بمرور الأيام بعد نص الليل نلاقي الباب بيختبط جامد بطريقة مرعبة
وبنশوف حد واقف من وراء الشراعة..! نفتح منلاقيش حد..!

مرة روحـت أفتح الباب حسيـت إن جـسمي تـلـجـ مـرـةـ وـاحـدةـ، وـحـسـيـتـ
بـكـهـرـيـاءـ..

فضلـناـ عـلـىـ الـحـالـ دـهـ لـمـدةـ أـسـبـوـعـ.. بـعـدـهاـ مـعـ تـكـرارـ الـخـبـطـ بـطـلـنـاـ نـفـتـحـ
وـفـكـرـناـ إـنـ مـمـكـنـ حدـ بـيـخـبـطـ وـيـجـريـ..

المهمـ فـيـ يـوـمـ مـنـ الـأـيـامـ صـحـيـتـ بـالـلـلـيـ وـسـمعـتـ الـخـبـطـ.. خـبـطـ تـقـيلـ
كـانـ حدـ عـاـوزـ يـدـخـلـ.. وـبـعـدـيـنـ لـاقـيـتـ حدـ مـاـشـيـ جـوهـ صـالـةـ الـبـيـتـ..

بيـصـ شـفـتـ جـدـتـيـ الـلـيـ مـاتـتـ مـنـ زـمانـ.. بـصـتـ لـيـ.. وـعـيـنـيـ جـتـ فـيـ
عـيـنـهـاـ.. حـسـيـتـ إـنـ جـسـمـيـ اـتـحـرـقـ..

جريـتـ بـسـرـعـةـ عـلـىـ أـوـضـتـيـ مـنـ الـخـوـفـ.. حـسـيـتـ إـنـ مـشـ قـادـرـةـ آـخـدـ
نـفـسـيـ، وـشـوـيـةـ بـعـدـهاـ وـأـنـاـ بـيـنـ النـومـ وـالـصـحـيـانـ لـاقـيـتـ ضـلـ وـاحـدةـ سـتـ
وـاقـفـ قـدـامـ الشـبـاكـ وـبـتـبـصـ عـلـيـاـ.. بـقـيـتـ مـخـنـوقـةـ عـاـوزـهـ آـنـادـيـ عـلـىـ مـاـمـاـ

أو بابا بس حسيت إني متكتفة على السرير لغاية لما قدرت أقوم لكنني
ووقيعت على الأرض أغمى عليا..!

تاني يوم بحكي لاما وبقول لها على اللي حصل.. قالت لي تلاقيكي
كنتي بتحلمي بس ويعدين بلاش تشوف في أفلام رعب بالليل أحسن.

لكن بعد كام يوم لاقيت ماما وشها أصفر ومخطف جدا..

ماما حكت إنها كانت قاعدة وحست بحد بيحيط على ضهرها..

ولما التفتت تشوف ده مين؟

لقت طفلة صغيرة بس شكلها كان بشع ومخيف جدا..

وبتضحك بطريقة غريبة. فضلت تقرأ المعوذتين وفجأة اكتشفت إنها
نامت وهي قاعدة..!

بابا لما عرف بالموضوع قال إن السبب الباب..

لأن كل حاجة حصلت من ساعة ما ركب..

نفس الليلة دي سمعنا صوت خبط جامد على باب الشقة.. كلنا صحينا
مفزعين..

الليلة دي كانت ليلة رهيبة جدا..

سمعنا صوت قطط كتير عماله تصرخ بصوت عالي وغريب كأنها
بتتألم..

شوية وصوت القطط راح ، وسمعنا بعده صوت بكاء جاي من وراء
الباب وكان في شيء عاوز يدخل..

فضلنا على هذا الوضع لغاية لما شغلنا قرآن ..

بابا راح للنجار وقاله اللي بيحصل وسأله انت جايب الباب منين ؟

قاله ده باب المشرحة القديم..!!

والدي فكر إنه بيهرز لكنه قال له إن ده فعلا باب المشرحة القديم وإنه اشتراه مع حاجات تانية خرده..

طبعا بابا اتخانق معاه وخلاله يجي يشيل الباب، وركبنا باب تاني ومن بعدها مبيقيناش نشوف أو نسمع حاجة....

خصلات الشعر

- صديقة لنادي الخبايا بتقول :

كنا في فصل الشتاء، وبصراحة أنا من الناس اللي بتتعجب من البرد وخصوصا لو استحميت بالليل، وعشان كدا لازم أفضل رابطة شعرى بطرحة يوم أو اتنين لحد ما ينشف.. فالمهم اللي حصل إني استحميت في نص الليل وعملت اللي بيحصل كل مرة إني أربط شعرى وبيقا رابطاه جامد يعني مستحيل يتفك حتى لو اتحركت وأنا نايمه.
لما نمت صحيت بعدها بساعتين تقريبا على حاجة بتمشي على شعرى وبتشد فيه .

حسيت كمان بسخونة بالرغم أن كان الجو برد جدا وحسيت بصداع بس لاقيت شعرى متسرح ومفروود وناشف تماما..!

الطرحة اللي كنت رابطاه بيها اختفت ودورت عليها ملقتهاش خالص..!

تاني يوم فوجئت بأخويا الصغير بيقول إنه شافني ماشية ناحية الحمام وبعدين دخلت وفضلت أتكلم وأزعق جوه.. وأقول سيب شعرى !
طبعا أنا معملتش كدا أو مش فاكرة إن حصل كدا.

أنا كنت مخطوبة في الوقت ده، وفجأة بدأت مشاكل كثيرة تظهر بيسي وبين خطيببي.. أغلب المشاكل كانت لأسباب تافهة جدا.. لغاية لما

الخطوبة اتفسخت..

كان كل لما يجي يتقدم لي عريس جديد الموضوع كان يفشل من غير سبب.. واصحى الاقى خصله كاملة من شعري مقصوصة وعلى المخدة يعني مثلا العريس يجي يتقدم ويحصل قبول بینا وبعدها ومن غير سابق إنذار العريس ميجيش تاني او يحصل له ظرف معين..

كمان لما كنت بواافق على الخطوبة كنت بصحي تاني يوم الاقى علامات زرقاء زي علامات الضرب على جسمى...!

مع مرور الوقت بقىت أحس بوجود حد قاعد معايا في الأوضة..!

بقيت أحلم براجل عمري ما شفته قبل كدا في الحقيقة.. في الأول كان يفضل يبص لي وميتكلمش.. وتدرِّجيا بدأ يحاول يتكلم معايا في الحلم.. مكتتش برد عليه.. صحيح كانت ملامحه كويسة يعني هو كان وسيم لكن كنت حاسة بخوف غريب منه..!

مرة كنت راجعة بالليل وبعدين وأنا طالعة السلم حسيت إني مش قادرة آخذ نفسي...!

استغرت بصراحة، أنا طول عمري بطلع عادي وعمري ما حسيت بکدا..
لكن وأنا طالعة اتفاجئت بالراجل اللي بشوفه في الحلم.. كان واقف قدام عتبة باب الشقة ومربع إيديه الاتنين.. واقف زي ما يكون مستنيني أنا بالذات..!

تذكر أنك حملت رواية اعتاب مكروهة حصرياً ومجاناً من على موقع مكتبة بيت الحصريات أكبر مكتبة للكتب والروايات الحصرية والمميزة والجديدة والنادرة ولتحميل المزيد ادخل على جوجل واكتب في خانة البحث مكتبة بيت الحصريات هننظرك.

وقفت في مكاني وأنا خايفه.. مش عارفة أتصرف إزاي.. كل اللي جه في دماغي إن أقرأ قرآن..

نفس الليلة دي لما دخلت أنام حسيت بحد بيشد من عليا الغطا
وبنفس بارد على وشي...!

ولما صحيت من النوم لاقيت جنب مني على السرير شعر كتير
مقصوص.. وحلمت باضخم قط شوفته في حياتي كلها.. كان أعور
بعين وعين...! اتفزعت وصرخت وجربت جري من الأوضة.

كانت الوحيدة اللي واخدة بالها من اللي بيحصل لي هي أمي.. خدتنى
هي وخالتى ورحنا لواحدة بتفهم في الحاجات دي.. اسمها الشيخة
عديلة.

حكيت لها كل اللي بيحصل لي.. وبعدين طلبت مني تشفوف العلامات
الزرقاء اللي على جسمى..

لما شافتها جابت قماشة وحطيتها في طبق فيه ميه جنبها وبدأت
تمسح بالقماشة المبلولة على جسمى مكان العلامات الزرقاء..

الشيخة قالت لأمي إن في جن عاشق موجود عليا وبعدين حطت
إيدها على دماغي وقرأت قرآن..

لما عملت كدا حسيت إن جسمى بيسترخي بطريقة غريبة وإنى عاوزة
أناام...!

فضلت اتعالج بعدها لفترة طويلة.. صحيح الأمور بقت أحسن لكن
برضه لسه حاسة إنه موجود معايا ومش راضي يسبني.

وشعرى بقى خفيف جدا

أحلام حقيقية

- الموقف اللي هحكه ده حصل لي من حوالي سنتين تقريبا وقتها كنا في زيارة لبيت أهل والدتي ووقتها كان جدي متوفى من حوالي شهر..

أول ليلة قضيتها هناك اضطررت أنام في الصالة على الأرض.. صحيت في نص الليل من النوم لاقيت الكرسي الهزاز اللي جنب أوضة المرحوم جدي، قاعد عليه كلب أسود ..!

كنت عايز أقوم بس كاني اتشليت..!

حاولت أنادي على أي حد يساعدني لكن لسانى كمان كانه اتشل..

وبعدين حسيت بخنقة رهيبة ومادرتش بنفسى، ونمت!

.. مش عارف بصراحة لغاية دلو قتي ده كان حلم ولا حقيقة..

المهم تانى يوم استنىت بالليل وطلعت فوق السطح عشان أدخن..

كان فوق السطح أوضة معمولة زي مخزن لل حاجات القديمة..

دخلت المخزن وقعدت جوه..

كان المكان ضلعة فشغلت كشاف الموبايل..

ملفتتش نظري أي حاجة غريبة أو خارجة عن المألوف لحد ما التفت وجيت أمشي، فجأة لاقيت في زاوية المخزن ناحية الباب نفس الكلب قاعد في صمت..!

نزلت طيران من الرعب، ليلتها لما نمت شوفت الكلب وكان قاعد تحت رجلين جدي الله يرحمه.

وكان لابس جلابية سعودية بيضاء وقال لي حاجة غريبة جدا.. قال:

- خلي (أحمد) يفحص نفسه كويس.

كان قصده على أخيها الكبير أحمد.. وكان بيtalk بمتنها الهدوء
وبيختصر في كلامه..!

صحيت أمي ووالدي وحكيت لها..

قالت بمتنها البساطة إن جدي كان زي مخاوي جن وكان دايما يطلع
الأوضة اللي فوق ويقفل على نفسه باليوم والاتنين ومحدش عارف هو
بيعمل إيه جوه بالضبط..

وكان بيظهر على هيئة كلب أسود وكنا بنشفوفه زمان أوي.

بابا قرر إن كفاية كدا ونرجع بيتنا..

أنا افتكرت إن الشيء اللي ظهر على هيئة جدي قال لي (خلي أحمد
يفحص نفسه كويس)..

حكيت لماما وبابا..

وفعلا ودينا أحمد للدكتور ولاقينا عنده بداية مرض وهو دلوقتي
بيتعالج منه.

دعواتكم ربنا يشفيه.

زائرة بلا سبب

- خبية ندى:

الموضوع بدأ معايا لما نقلت البيت الجديد كنت لسه طفلة مش
مستوعبة يعني إيه عفاريت وناس تtalk معانا منعرفهاش
من أول يوم نقلنا فيه وأنا بشوف حاجات غريبة خيالات أسمع
أصوات أنا لوحدي اللي بسمعها.

كنت بسألهem في البيت لو حد سمع حاجة أو ملاحظ حاجة غريبة
وكان كل كلامهم إن مفيش حاجة وإنني بتخيل حاجات عشان بسمع
رعب أحمد يونس !

بعد أسبوع بطلت أركز مع حاجة وحاولت أنام عادي وأتأقلم يعني
خصوصا إننا لسه ناقلين . يا دوب شغلت القرآن وروحت ف النوم
حسيت بحد بيهمس في ودني: ندى اصحي اقعدى معايا.

والصوت ابتدأ يتكرر كل يوم وابتديت أخاف وأصحي أحيانا.
مكنتش بشوف حاجة وكنت برجع أنام تاني لحد ما كنت نايمة في
مرة وحسيت إن حد بيشدني بالعافية عشان أقوم.

بصيت لاقيتها قاعدة جنبي على السرير شكلها: لابسة جلبية بيضة
طويلة ورجلها بطول الأوضة تقريبا وشها كله أبيض زي الناس
المتوفية المتلجة دي.

مكنتش فاهمة حاجة وكنت متكتفه وعمالة أعيط ومش عارفة أصرخ
حتى أو أنده ماما تيجي تنام جنبي.

فضلت حوالي نص ساعة وبعد كدا صحيت لاقيتها جسمى كله
خرابيش ف إيدى

مجرد ما نزلت المدرسة ورجعت ملقتش في جسمى حاجة.

فضلت فترة أشوف نفس الست وأخاف أدخل أوosti، وفي يوم كنت
بصلي صلاة الضهر لمحتها بطرف عيني عمالة تبصلي وساكتة بس فيه
صوت في وداني بيقولي خلصي صلاة ..

فضلت ع الحال ده ٧ أيام كمان وبعدها كل حاجة توقفت تماما فجأة
ومن غير ما أعمل أي حاجة نهائي !

انتهت وبكل أسف الخبايا الخامسة
من لديه الشجاعة أن ينكر أن كلامنا لديه أسرار وخبايا يخجل أن
يفصح عنها !

ولكننا هنا في نادي خبايا أحمد يونس
قررنا أن نفصح سويا عن خبائانا وخبائاكم وخباياهم ..

وخباياهم ..

خبايا الفزع الرهيب؛ لأنها

كان معكم مؤسس نادي الخبايا
صديقكم المخلص :

أحمد يونس